

# 卷九

書名 論語十卷 慶長中古活字印本  
 撰者 魏 何晏 集解  
 卷 卷九  
 內容分類 經-四書 論語-三國  
 索書號 貴重-27  
 編號 A368400

論語學而第一



何晏集解

子曰學而時習之不亦說乎

馬融曰子者男  
子之通稱謂孔

子也 王肅曰時者學者以時誦習之  
誦習以時學無廢業所以為說

有朋自

遠方來不亦樂乎

包氏曰同  
門曰朋

人不知而不愠

不亦君子乎

溫怒也凡人有所  
不知君子不愠

有子曰

孔安  
國曰

有弟而為人也孝弟而好犯上者鮮矣

鮮少  
也上

已上者言孝弟之人  
好或犯其上者少也

不好犯上而好

望  
彩色首頁1

東洋文化研究所漢籍目錄 編號: A368400  
 東洋文化研究所漢籍目錄所藏漢籍善本文影像資料庫 索書號: 貴重-27  
 漢籍善本文影像資料庫文本論語十卷 慶長中古活字印本  
 版權所有: 東京大學 東洋文化研究所  
 使用上的注意事項

小童邦人稱之曰君夫人稱諸異邦曰寡小

君異邦人稱之亦曰君夫人孔安國曰小君君夫人之稱對

異邦謙故曰寡小君當此之時諸侯嫡妾不正稱號不審故孔子正言其禮也

論語卷第八 經一千七百九十四字 註一千八百二十七字

論語陽貨第十七 凡二十四章 何晏集解

陽貨欲見孔子孔子不見 孔安國曰陽貨陽虎也季氏家臣而

專魯國之政欲見孔子使仕 歸孔子豚 孔安國曰欲使往謝故遺孔子豚

孔子時其亡也而往拜之遇諸塗 孔安國曰塗道也於

道路與相逢 謂孔子曰來予與爾言曰懷其寶而

迷其邦可謂仁乎曰不可 馬融曰言孔子不仕是懷寶也知國

不治而不為政是也邦也 好從事而亟失時可謂知乎曰

不可而數不遇失時不可為有知日月逝

矣歲不我與馬融曰年老歲月已往當急仕也孔子曰諾吾

將仕矣孔安國曰以順辭免害子曰性相近也習相遠

也孔安國曰君子慎所習子曰唯上知與下愚不移孔安

國曰上知不可使強為惡下愚不可使強賢子之武城聞絃歌之

聲孔安國曰子游為武城宰夫子莞爾而笑莞爾小笑貌曰割

雞焉用牛刀孔安國曰言治小何須用大道子游對曰昔者

偃也聞諸夫子曰君子學道則愛人小人學

道則易使也孔安國曰道謂禮樂也樂以和人人則易使也子曰

二二三子孔安國曰從行者偃之言是也前言戲之耳

孔安國曰戲以治小而用大道公山弗擾以費畔召子欲往

孔安國曰弗擾為季氏宰與陽虎共執季桓子而召孔子子路不說曰末

之也已何必公山氏之之也孔安國曰之適也無可之則止

耳何必公山氏之之道子路不說曰末

子曰夫召我者而豈徒哉如有用

我者吾其為東周乎與周道於東子張問仁

於孔子孔子曰能行五者於天下為仁矣請

問之曰恭寬信敏惠恭則不侮孔安國曰寬

則得衆信則人任焉敏則有功孔安國曰應

功惠則足以使人佛肸召子欲往孔安國曰趙

簡子之子路曰昔者由也聞諸夫子曰親於

其身為不善者君子不入也不入佛肸以中

牟畔子之往也如之何子曰然有是言也不

曰堅乎磨而不磷不曰白乎涅而不緇孔安

磷薄也涅可以染皂者言至堅者磨之而不

薄至白者染之於涅而不黑君子雖在濁亂

濁亂不能汚吾豈匏瓜也哉焉能繫而不食匏瓠

瓠瓜得繫一處者不食故也吾自食物當曰由也女聞六言六蔽矣乎六言六蔽者下

直勇對曰未也居吾語女孔安國曰子路好

仁不好學其蔽也愚

孔安國曰仁者愛物不知所以裁之則愚好

知不好學其蔽也蕩

孔安國曰蕩無所適守好信不好

學其蔽也賊

孔安國曰父子不知相為隱之輩

好直不好學

其蔽也絞好勇不好學其蔽也亂好剛不好

學其蔽也狂

孔安國曰狂妄抵觸人也

子曰小子何莫學

夫詩

包氏曰小子門人也

詩可以興

孔安國曰興引譬連類

可以

觀鄭玄曰觀觀風俗之盛衰

可以羣

孔安國曰羣居相切磋

可以怨

孔安國曰怨刺上政

邇之事父遠之事君

孔安國曰多邇近也

識於鳥獸草木之名子謂伯魚曰文為周南

召南矣乎人而不為周南召南其猶正牆面

而立也與

馬融曰周南召南國風之始淑女人而不為如

向牆而立

子曰禮云禮云玉帛云乎哉

鄭玄

曰玉圭璋之屬帛束帛之屬言禮非但崇此玉帛而已所貴者乃貴其安上治民

樂

云樂云鐘鼓云乎哉

馬融曰樂之所貴者後風易俗非但謂鐘鼓而

已子曰色厲而內荏

孔安國曰荏柔也謂外自矜厲而內柔佞者

譬諸小人其猶穿窬之盜也與

孔安國曰為人如此猶小

人之有盜心穿窬壁窬窬牆

子曰鄉原德之賊也

周生烈曰所至

之鄉輒原其人情而為已意以待之是賊亂德者也一曰鄉向也古字同謂人不能剛毅

而見人輒原其趣嚮容媚而合之言此所以賊德

子曰道聽而塗說

德之棄也

馬融曰聞之於道路則傳而說之

子曰鄙夫可與

事君也與哉

孔安國曰言不可與事君

其未得之也患得

之患得之者患不能得之楚俗言

既得之患失之苟患失之

無所不至矣

鄭玄曰無所不至者言邪媚無所不為

子曰古者

民有三疾今也或是之亡也

包氏曰言古者民疾與今時異

古之狂也肆

包氏曰肆極意敢言

今之狂也蕩

孔安國曰蕩無

所古之矜也廉

馬融曰有廉隅

今之矜也忿戾

孔安國曰

惡理多怒

古之愚也直今之愚也詐而已矣子曰

惡紫之奪朱也

孔安國曰朱正色紫間色之好者惡其邪好而奪正色

惡鄭聲之亂雅樂也

包氏曰鄭聲淫聲之哀者惡其奪雅樂

惡

利口之覆邦家者

孔安國曰利口之人多言少實苟能悅媚時君傾覆

其國

子曰予欲無言子貢曰子如不言則小

子何述焉

言之為益少故欲無言

子曰天何言哉四時

行焉百物生焉天何言哉孺悲欲見孔子孔

子辭以疾將命者出戶取瑟而歌使之聞之

孺悲魯人也孔子不欲見故辭之以疾為其將命者不知已故歌令將命者悟所以令孺

悲思

宰我問三年之喪期已久矣君子三年

不為禮禮必壞三年不為樂樂必崩舊穀既

沒新穀既升鑽燧改火期可已矣

馬融曰周書月令有

更火春取榆柳之火夏取棗杏之火季夏取桑柘之火秋取柞柶之火冬取槐檀之火一年之中鑽火各異木故曰改火也子曰食夫稻衣夫錦於女

安乎曰安女安則為之夫君子之居喪食旨

不甘聞樂不樂居處不安故不為也今女安

則為之

孔安國曰旨美也責其無仁於親故再言女安則為之

宰我出

子曰予之不仁也子生三年然後免於父母

之懷

馬融曰子生未三歲為父母所懷抱

夫三年之喪天下之

通喪也

孔安國曰自天子達於庶人

予也有三年之愛於

其父母乎

孔安國曰言子之於父母欲報之德昊天罔極而予也有三年之愛

乎子曰飽食終日無所用心難矣哉不有博

弈者乎為之猶賢乎已

為其無所據樂善生淫欲

子路曰

君子尚勇乎子曰君子義以為上君子有勇

而無義為亂小人有勇而無義為盜子貢曰

君子亦有惡乎子曰有惡惡稱人之惡者

包氏

曰好稱說人之惡所以為惡

惡居下流而訕上者

孔安國曰訕謗

也毀惡勇而無禮者惡果敢而窒者

馬融曰窒窒塞也

曰賜也亦有惡乎惡微以為知者

孔安國曰微抄也抄

人之意以為已有

惡不孫以為勇者惡訐以為直者



包氏曰許謂攻發人之陰私。子曰唯女子與小人為難養

也。近之則不孫，遠之則怨。子曰年四十而見

惡焉，其終也已。鄭玄曰：年在不惑而為人所惡，終無善行。

論語微子第十八 凡十一章 何晏集解

微子去之，箕子為之奴，比干諫而死。馬融曰：微箕二

國名，子爵也。微子紂之庶兄，箕子比干紂之諸父。微子見紂無道，早去之。箕子佯狂為奴。

比干以諫見殺。孔子曰：殷有三仁焉。仁者愛人，三人行各異而同稱。

仁以其俱在

柳下惠為士師。孔安國曰：士師，典獄之官。三

黜人曰：子未可以去乎？曰：直道而事人，焉往

而不三黜？孔安國曰：苟直道以事人，所至之國俱當復三黜。枉道而

事人，何必去？父母之邦，齊景公待孔子曰：若

季氏則吾不能，以季孟之間待之。孔安國曰：魯三卿，季

氏為上卿，最貴。孟氏為下卿，不用事，言待之以二者之間。曰：吾老矣，不能

用也。孔子行，齊人歸女樂，季

以聖道難成，故云老不能用。

桓子受之三日不朝孔子行

孔安國曰桓子季孫斯也使定

公受齊之女樂君臣相與觀之廢朝禮三日

楚狂接輿歌而過孔

子之門

孔安國曰接輿楚人佯狂而來歌以感切孔子

曰鳳兮鳳兮

何德之衰

孔安國曰比比孔子於鳳鳥鳳鳥待聖君乃見非孔子周行求合故曰

衰也往者不可諫

孔安國曰已往所行不可復諫止

來者猶可

追

孔國國曰自今已來可追自止辟亂隱居

已而已而今之從政

者殆而

孔安國曰已而者言世亂已甚不可復治也再言之者傷之甚也

孔

子下欲與之言趨而辟之不得與之言

包氏曰下

下車長沮桀溺耦而耕孔子過之使子路問津

焉

鄭玄曰長沮桀溺隱者也耜廣五寸二耜為耦津濟渡處

長沮曰夫執

輿者為誰子路曰為孔丘曰是魯孔丘與曰

是也曰是知津矣

馬融曰言數周流自知津處

問於桀溺

桀溺曰子為誰曰為仲由曰是魯孔丘之徒

與對曰然曰滔滔者天下皆是也而誰以易

之孔安國曰滔滔者周流之貌言當今天下治亂同空舍此適彼故曰誰以易之且

而與其從辟人之士也豈若從辟世之士哉

士有辟人之法有辟世之法長沮桀溺謂孔子為士從辟人之法已之為士則從辟世之法

子路行鄭玄曰耰覆種也耰止也覆種不止不以津告子路行

以告夫子憮然為其不達已意曰鳥獸不可

與同羣孔安國曰隱居於山林是與鳥獸同羣吾非斯人徒與

而誰與之孔安國曰吾自當與此天下人同羣安能去人從鳥獸居乎天

下有道丘不與易也孔安國曰言凡天下有道者丘皆不與易也已

大而人小故也子路從而後遇文人以杖荷蓀包氏曰丈

人老者也蓀竹器名子路問曰子見夫子乎丈人曰四

體不勤五穀不分孰為夫子包氏曰丈人云不勤勞四體不

分殖五穀誰為夫子而索之邪植其杖而芸孔安國曰植倚也除草曰芸

子路拱而立未知所以答止子路宿殺雞為黍而

食之見其二子焉明日子路行以告子曰隱

者也使子路反見之至則行矣

孔安國曰子路反至其家

丈人出子路曰不仕無義

鄭玄曰留言以語丈人之二子長

幼之節不可廢也君臣之義如之何其廢之

孔安國曰言女知父子相養不可廢反可廢君臣之義邪

欲潔其身而亂

大倫

包氏曰倫道也理也

君子之仕也行其義也道之

不行已知之矣

包氏曰言君子之仕所以行君臣之義也不自必道得行

孔子道不見用自已知之

逸民伯夷叔齊虞仲夷逸朱張

柳下惠少連

逸民者節行超逸者包氏曰此七人皆逸民之賢者子曰

不降其志不辱其身伯夷叔齊與

鄭玄曰言其直已之

心不入庸君之朝

謂柳下惠少連降志辱身矣言中

倫行中慮其斯而已矣

孔安國曰但能言應倫理行應思慮如此

而謂虞仲夷逸隱居放言

包氏曰放置也身

中清廢中權

馬融曰清純潔也遭世亂身廢棄以免患合於權也我則

異於是無可無不可

馬融曰亦不必進亦不必退唯義所在大

師摯適齊亞飯干適楚

孔安國曰亞次也次飯樂師也摯干皆名

三飯繚適蔡四飯缺適秦

包氏曰三飯四飯樂章名各異師繚

缺皆名

鼓方叔入於河

包氏曰鼓擊鼓者方叔名入謂居其河內也

播鼗武入於漢

孔安國曰播猶搖也武名也

少師陽擊磬

襄入於海

孔安國曰魯哀公時禮壞樂崩樂人皆去陽襄皆名

周公謂

魯公曰

孔安國曰魯公周公之子伯禽封於魯

君子不施其親

孔安國曰施易也不以他人易其親

不使大臣怨乎不以

孔安國曰

以用也怨不見聽用

故舊無大故則不棄也無求備於

一人

孔安國曰大故謂惡逆之事

周有八士伯達伯适仲

突仲忽叔夜叔夏季隨季騶

包氏曰周時四乳得八子皆為

顯士故詭之耳

論語卷第九

經一千六百五十字注一千七百七十八字